

علم حقوق و مقاييس قوانین مجتهد و فقهی

هر آي نشر اول نور

مؤسس و صاحبی که ماچنه مبعوثی : محمد عارف

نومرو : ۱۹

ایکینچی سنه — ایکینچی جلد .

استانبول — صراط مستقیم مطبعه سی

۱۳۲۶

حق استيضاح - حق سؤال [۱]

Droit d'interpellation-Question

عمد عارف

حق سؤال

مجلس مليه نك اڤ برنجي وظيفه سي قوه اجرائيه بي تمثيل ايدن ناظرلري تحت مراقبه ده بولندير مقدر؛ كه اشبو مراقبه ايله ناظرلرك تابع اولدقلري مسئوليت قاعده اساسيه سي تطبيق اولنور. قوه تشريعيه قوه اجرائيه نك معاملاتني صور ووسائط متعدده و مختلفه ايله تفتيش وحق مراقبه سي اجرا ايدر، كه وسائط مذكوره شونلردر: استيضاح، سؤال و تحقيقات تشريعيه [۲] در.

[۱] مأخذ:

مجلس مبعوثان نظامنامه داخلي سنك تعديلنه دائر لايحه -

Eugène Têrre : Droit politique électoral et parlementaire.

A. Esmein : Element de droit constitutionnel farançais et comparé

Félix Moreau et Joseph Delpoech:

Les règlements des assemblées legis latives

[۲] تحقيقات تشريعيه Enquêtes parlementaires ك ترجمه سيدر. فرانسزجه

parlementaire تعبيرى مجلس ملي بي تركيب ايدن اعيان و مبعوثان هيتلرينه

حق سؤال بزم نظامنامه داخلی مزده موجود اولمایوب اوروپاده جاری
اصولدن بالاقباس تطبیق ایدلمکده اولدینی جهتله بزدهکی طرز تطبیق بیساندن
مقدم اوروپا مجالس ملیه سنده نه صورتله جریان ایتمکده اولدینی تفصیل و ایضاح
ایتمکده موافق کورلمشدر .

..

انکتردهده حق استیضاح ایله سؤال یکدیگرن آیرلماشدر . هر نه قدر بعضاً
استیضاح تعبیری قوللانلمقده ایسهده معناسی بزدهکی سؤالدن بشقه برشی دکدر .
عوام قاره سی نظامنامه داخلی سی استیضاح نتیجه سنده نظارک ویره چکی معلومات
اوزرینه مذاکره جریاننه مساعده ایتز و رایه ده وضع اولتمز . بناء علیه انکایز
مجلس مبعوثانی قاینه یه عدم اعتمادینی براستیضاح نتیجه سنده اظهار ایتمز . عمومیتله
قاینه طرفندن مجلسه عرض ایدیان مسائل و مواد مهمه نک قبول و عدم قبولیله
قاینه حقنده کی رأینی اظهار ایدر . فقط قاینه نی تخطئه یه دائر دوغریدن دوغری یه
تقریر ویریلوب قبول ایدلمک جاژ اولدینی کی هر دوره اجتماعیه نک بدایتسده
نطق حکمداری یه ویریه چک جوابنامه یهده درج اولنه بیلور .

حکومات مشروطه نک کافه سنده کړک سؤال و کړک استیضاح تاریخ و تجربه
مدیده نک محصولی اولدیغندن هر حکومت کندی حال و احتیاجنه موافق صورتده
تطبیق و اجرا ایتمکده بولتمشدر .

متعلق دیمک ایسهده شیمدی یه قدر لسانمزده بونک مقابلی اولمق اوزره بر اصطلاح
علمی تانس ایده مه مشدر .

مجلس مبعوثانه عربجه مجلس النواب دینلمسندن بالاستفاده تعبیر مذکورک (نیایه)
ترجمه سی موافق اولوردی . فقط بالاده سویلندیکی و جهاله parlentaire هرایکی
مجلسه متعلق بر اصطلاح اولدینی ایچون لسانمزده بر چوق خصوصاً سنده مستعمل
اولدیغندن ناشی ده ها دوغری بر اصطلاح بولنجه یه قدر parlementaire ی
[تشریعه] کلمه سیله ترجمه یه مجبوری حاصل اولمشدر .

مثلاً انكاتر دده نظاردن سؤال كيفيتي ديكر دولتلرده كنه بكنزه ميوب صرف كنديلارينه خاص بر طرزده چسريان ايدر . انكاتر دده حق سؤاللك ايلك مثالي ۱۷۲۱ تاريخنده باشلار . فقط اون سكزنجي عصر نهايتلرند استعمالي غايت محدود ايدى . ته كم مستربالفور ۱۹۰۰ تاريخنده مجلس مليده هيج برسؤاللك اجرا ايدلميش اولديغي بيان ايتمشدر . بونكله برابر ۱۸۱۶ سنه سى دوره اجتماعيه سنده سؤال لك زياده اجرا ايدلمش اولديغي كي اوندن صكره ده دائما ، هر سته ، ترايد ايتمش بر جوق يورغونلقله اضاعه وقته سبب اولمشدر . بوكا چاره اولمق اوزره حكومتجه يكيدين بر نظامنامه داخلي تكليف و مجلسجه قبول ايدلمشدر . مستربالفور نظامنامه جديد ايله تعديلات تكليف ايتديكي صره ده « ۱۹۰۱ سنه سنده ، اسله فرعيه ده داخل اولمق اوزره ۷۱۸۰ سؤاللك اجرا ايدلمش اولديغي حساب ايتدم كه بو سؤاللار ۱۱۶ ساعت دوام ايدوب مجلسك اشاغى يوقارى مهر كونه سكزن ساعت چالشمق اوزره اون بش كوتى و حكومتك ده اوج هفته سنى اشغال ايتمشدر . » ديتمشدر .

مستر چبرلاين ده بو خصوصده مجلسك اكثريت عظيمه سى اشبو سؤاللاردن منفعت عموميه تأمين ايدمه مكدله اولدينى جهته آرزو ايدن اعضا منتخبلرينه منفعتلرينى تأمينه حصر مساعى ايتديكنى انبات ايتك احتياجندن وارسته اوله رق ناظر دن سؤالى بر مكتوب ايله اجرا ايدوب ورود ايدمك جواب ده طبع ايديله رك اعضايه توزيع ايدلمش اولسه هر حالده ده ها خيرلى اولور » مطالبه سنى ايراد ايتمشدر .

انكاتره نظامنامه اخيرى موسيو چبرلاين طرفدن درميان ايدلمش اولان ، اشبو طرز سؤالى ، قبول ايتمش اولديغندن ناشى شفاهاً واقع اولان سؤاللاره حصر ايدبان زمانى تحديد و آنجق اوج چاريك ساعت بر زمانى سؤاله حصر ايتمشدر . مع مافيه بو اوج چاريك ساعت تحديدي كيفيتي ده اقليتك هر زمان شديد اعتراضه دوچار اولمشدر .

مخالفيندن سير و بيايم هار قورت مأمور اولميان اعضا مجلس هانكي فرقيه

منسوب اولورسه اولسون مأمور اولان اعضائک (ناظرلر دیمکدر .) معاملاتنی مراقبه حقنی هر زمان حازر اولدیغنی بیان ایدمک ناظرلره سؤال ایراد ایتک حقنک استعمالی تسهیل ایتمک بر اهمیت عظیمه عطف ایتمکده « اولدیغنی در میان ایتشددر .

حالبوکه سیر قاپیل بازمان ایسه سؤال حقنی لازم الازاله بر خطا کی تلقی ایتیبوب نظامنامه داخلی به کیرمسی لازم بر حق صورتنده قبول ایدرک ، صوک سنه لرده سؤالک تزییدنی دیگر امنیت سببیه لرینک قیامش اولدیغنه عطف ایتشددر . ۱۹۰۵ دوره اجتماعیه سنده بالتصادف اوج هفته ظرفنده ۹۷۵ سؤال ایراد ایدلش ایسه ده بونک ۲۰۰ دن زیاده سی افریقای جنوبی محاربه سنه عائد اولوب بوده محاربه مذکوریه عطف ایدلش اولان نظر دقتدن ایلری کلش اولدیغندن دائمی اولمق اوزره قبول اولنه ماز . وسؤاللرک ۳۷۷ عددی ده ایرلانده یه تمایق ایدیوردی ؛ که ایرلانده نك طرز اداره سی دوشونیلکجه بو عدد شایان حیرت اوله ماز .

ناظرلره ایراد سؤال ایتک اقتدارینک کیجه یاریسنه یعنی مجلسک تعطیل مذاکراتی زمانه بر اقلما یوب کوندوز مساعی به تدن اول استعمال ایدلمسی عوام قماره سنجه ترک ایدیله جک بر اصول دکلدر . « دیتشددر .

انکلتزه عوام قماره سنده بزم استیضاحه آز چوق مشابه بر اصول وارددر ؛ که اوده اثنای مذاکره ده اعضا دن بری ایاغه قالدقهرق روز نامه مذاکره خارجنده منافع عمومیه مستعجله دن بر ماده معینه نك مذاکره سنی تکلیف ایده بیلمسیدر . فقط بونک قبول اولنه بیلمسی ایچون ، رئیسک مساعده سندن ماعدا ، لااقل قرق اعضائک ایاغه قالدقهرق تکلیف واقعه اشتراک ایتمی شرطدر . فقط قرقدن آشاغی اولدینی تقدیرده اون اعضائک موافقتی ایله برابر تکلیفک بالقبول مذاکره اجراسی ایچون مجلسک موافقت وقراری لازمدر . بو شرط حاصل اولدینی تقدیرده یالکیز او ماده یه منحصر اولمق

اوزره مذاکره جریان ایدر . اکر ناظر طرفندن ویریلن ایضاحات موجب ممنونیت اولور و یاخود مذاکره ایدیله جک بشقه بر نقطه قالمازسه طبیعی ایله تکلیفک استردادیله مسئله نهایت بولور . انکلیز افکار و تعاملاتنه نظر احکومتی هرکون مراقبهده بولندرمق ایچون قولانیلان اصول طبیی و معتاده سؤالدر . بالاده مذکور استیضاح پک نادر اوله رقاک مهم مسائل حقنده استعمال اولور . حالبوکه کرک بزده و کرک فرانسهده اک زیاده حق مراقبه نک استعمالی ، انکترده کنک عکسنه اوله رق ، استیضاح ایله وقوع بولور .

مع مافیه شو صوک زماندرده بزدهده مخالفین استیضاحدن زیاده سؤال طریقته توسل ایتمکده دزلر . سبی ده ایکیده برده حق استیضاحی اکثریت قبول ایستیرمک مشکل اولدینی جهتله سؤال ایله ده مقصدلرینه نائل اولمالریدر . چونکه زیرده بیان ایدیله جکی وجهله نظامنامه داخیلیرنده حق سؤال قبول ایتمش اولان مجالس ملیه اونک طرز اجراسنی فوق العاده تحدید و تقیید ایتمش و حکومت طرفندن ویریلن جوابک مناقشه سی قبول ایتمیوب یالکنز تقریر صاحبنه ، ویریلن جوابه قارشلی ، پک قیصه جواب ویرمک حقنی ویرمشاردر . حالبوکه بزده هرصلسه قبول ایدلمش اوله کوزه سوز سویله مک حق تقریری امضا ایدنلره حصر اولنمش اینسهده اون کشینک امضاسیله ویرلمش اولان بر تقریر ویریلن جوابه اون کشینک حق کلامی قبول ایدلمش اولور . نته کم چکنلرده یوتسدام ملاقاتی حقنده خارجه نظراندن ایدیلن بر سؤالده تقریری ایضاح ایتمک مقصدیلله سوز آلتهرق حکومتک سیاست عمومی خارجه سی غایت اوزون نطقارله تنقید ایدلمشدر . وحتی سؤال ایله مناسبتی اولمایان بر جوق مسائلده موضوع بحث اولمشدر . فقط انکتردهده نه سؤال نه ده استیضاح بالاده ذکر ایدلدیکی وجهله قایدینی اسقاط ایتمک ایچون بر واسطه ، اوله رق قولانلماز . او خصوصده استعمال اولونان سلاح نطق افتتاحی حکمداری ویریلن جواب ایله حکومتک تکلیف ایده جکی قوانین و تخصیصات مهمه نک مذاکره سیدر . نته کم ۱۹۰۱ سنه سی دوره اجتماعیه سنک

کشد اینی متعاقب نطق افتتاحیه ویریله جک جوابک مذاکره سی حکومته پک شدنی هجوملردن ناشی طقوز کون دوام ایتشددر .

انکلتوده بر چوق عنما و تجربه نتیجه سی اولق اوزره حق سؤال حال حاضرده شو صورتله تقرر و تأسیس ایتشددر :

سؤال تخریراً طاب اولنور . تقرر باش کتابته ویریلور . رئیسک موافقتی استحصال ایدلمدیکه مجلسده قرائت اولنه ماژ . مجلس ایکی جلسه اولدینی کون سؤالار ساعت ایکی نی چاریک کجه تعیین ایدیلوب ساعت اوچه بش قالدیجه قدر اجرا اولنور . فقط ماهیت مستعجله نی حازر ویا منافع عمومیه به متعلق مواد بوندن مستنادر .

اگر اعضا تقریرینه تخریراً جواب آلمق آرزو ایدرسه ویا خود تقریری ویرن اعضا ویا توکیل ایتدیکی ذات مجلسده حاضر بولنمازه ناظرک بر جواب قلمه آلهرق ، مجلسک انضمام رأی ایله ، طبع ایتدیروب اعضایه توزیع ایتمکه حقی وارددر .



فرانسه مجلس مبعوثانک اسکی نظامنامه داخایسنده حق سؤال مسکوت عنه بر اقلمشدی . ۱۸۵۲ تاریخنده اتحاد اولونان بر اصوله کوره آنجیق بودجه مناسبی ایله حکومتدن معلومات لازمه آلمق ایچون سؤال طریقه مراجعت اولنوردی . ۱۸۷۰ تاریخندن بری هر وقت ناظرلردن سؤال ایتک اصولی قبول اولنشددر .

فرانسهده اعضادن هربری شفاهاً سؤال ایراد ایتک حقی حازدر . هیئت اعیان نظامنامه داخایسینک ۸۰ نجی ماده سنده « ناظرک رضایی منضم اولهرق ایراد سؤال ایتک ایستین اعضایه رئیس حق کلام ویرر » دیو محرر اولدینی کبی مجلس مبعوثان نظامنامه داخایسینک ۴۷ و ۴۸ نجی ماده لرندهده ناظرلره خبر ویرمک شرطیله مبعوثان طرفندن نظاره ایراد سؤال اولنه بیله جکی مصر حددر .

بو خصوصه فرآنسه مجلس مبعوثان و اعیان نظامنامه لری آره سنده کی فرق ظاهر در .
اعیان طرفندن سؤال ایراد اولنه بیلیمک ناظرک رضاسی شرط اولدینی حالده
مبعوثان طرفندن سؤال صورلمق ایچون ناظره خبر ویرمک کافیدر ، ناظرک
رضاسی مشروط دکلدر .

مع مافیہ نظامنامه داخلیدہ بو بایده صراحت اولمغله برابر عکسی ده منع
ایدیلمه مش اولدینی جهته فرآنسه مجلس مبعوثانی تعاملاً ناظرک حقوق رضاسی
قبول ایتشد . ۱۸۷۹ تاریخندن بری مجلس مبعوثان رؤسای ناظر عائدینک
قبول ایتش اولدینی کلاشما نیجه سؤال ایراد ایتک ایسته یئله سوز ویرمشد .
مع مافیہ حکومتک سؤالنه جواب ویرمه جکینی آکلایان بر اعضا ایچون
بو طریقه توسل ایتمکدن استیضاح طریق مر جیدر . دیگر جهتندن ناظرده
استیضاح ایله کندیسنه ویرمش اولان مدافعه حقنی استعمال ایدوب سؤال
ایراد ایتک ایسته یین اعضانک اتهاماتی آلتنده قلمش اولماز .

حاصلی ناظرک جواب ویرمه جکینی بیله رک بر اعضانک سؤالنه مساعده
ایتک مجلسی ، اولجه مآذونیتی اولدینی حالده ، روز نامه مذاکرانی کچرک
هر زمان استیضاح قارشوسنده بولندرمق دیمکدر ، که نه قدر مغایر مصلحت
اولدینی ایضاحه حاجت یوقدر .

عجبا نظاردن سؤال اولنه حق مواد محدود میدر ؟ . شبهه سز محدود
دکلدر . نظاردن هر مسئله سؤال اولنه بیلور . فرانسه ده بر لایحه قانونیه نک
هیئت عمومی قبول ایدلکدن صکره بیله اشبو لایحه موادندن برینک نه
وجهله تطبیق و تفسیر اولنه جنی ناظر مسئولندن صوریله بیلور . حق بو
سؤال بر قانونک صورت قطعیده قبولندن یعنی شکل قانونیتی اکتسابدن
مقدم بیله واقع اوله بیلور .

برده فرانسه ده قبول ایدمش اولان اصوله کوره بر ناظر یالکیز امور
اداره سندن دولایی وقوع بوله حق سؤاله جواب ویرمک ایله مکلف ایسه ده

امور رسمیه سندن خارج و معاملات شخصیه سنه متدائر ایراد ایدیله جک سؤالاره جواب ویرمهکه موافقت ایدرسه در حال سؤال ایدیلور .

فرانسه ده سؤالار روزنامهیه ادخال اولماز . ناظر مساعد برکوننده کلوب جواب ویرر . بونکله برابر ناظرک قبول ایتدیکی کوندن ماعدا برکونده هیچ بر صورتله موضوع بحث اوله ماز . مع مافیه سؤال ایراد ایدیه جک اولان اعضا ایراد ایدیه جکی سؤال حقنده ناظرایله برابر برکون تعیین ایتدکری بیان ایدیه جک اولورسه و از جمله عینی مسئله حقنده دیگر اعضادن بری طرفندن ده استیضاح وقوع بوله جفی اکلایشیلورسه رئیس سؤال صاحبته سوز ویره بیلور . عین مسئله حقنده استیضاح ایله سؤال تقریری ویریلورسه . ناظر موافقت ایتدیکی حالد سؤال استیضاحه ترجیح اولنور .

فرانسه نظامنامه داخلینک ۴۷ نجی ماده سی سؤالک جلسهنک بدایت وینهایتنده ایرادنی صراحة بیان ایتدکده در . بونک سببی ده روزنامه مذاکره کیرمش اولان موادک مذاکره سی دوجار تأخیر ایتدکده در .

بو خصوصده اعضانک سؤال حق دوجار عوق و تأخیر اولوب اولماسی مسئله سی موضوع بحث اوله بیلور . فقط برحق استعمالک بر ازجیکمسی مساعی مجلسک تعطیلنه مر حیدر .

فقط مستعجل اولدینی نظر مجلسده تحقق ایدن موادک بوندن مستثنا اوله جفی طبیعیدر . دیگر جهتن استیضاح طلبنده بولمق ایسه بن اعضانک روزنامه مذاکره نی قطع ایتدیره میه جکی طبیعیدر . استیضاح مذاکره نی قطع ایدیه میه نتیجه سؤال بطریق الاولی کسه من . زیرا سؤال استیضاحدن ده ازیاده حائر رجحان دکلددر .

حق جلسهنک بدایتده ایراد سؤال ایتک حق ییله مجلسک مناسب کورمه سی ایله مقیددر . زیرا مجلس لوائح مهمه قانونیه نک تأخیرنده مضرت کوررسه سؤالی بشقه کونه تأخیر ایدیه بیلور .

فرانسه نظامنامه داخلمسى ايراد ايديلن سؤالك نه درجه يه قدر ايضاح ايديله بيله جگنى تعيين ايتيورسده برسؤال ايرادى مقصديله اوزون برنطق ايرادينه وحقيقى براسيضاچه كيرلسنه مساعده ايدلز . بوبله اوله جق اولورسسه بر مجلسك روزنامه سى آرزوسى خلافتنه اوله رق لايىنقطع تعديل ايدلش اولور .

وقتيله فرانسه ده ناظر ك جوابندن صكره سؤال صاحبي بيله سوز سويله مك صلاحيتنى حازر دكلدى . فقط حال حاضرده نظامنامه آنجق سؤالى ايراديدن اعضايه مجملّاً جواب ويرمك حقتى ويريور . بنشاء عليه سؤال صاحبنندن بشقه سى جواب ويرمك صلاحيتنى حازر دكلدر . اكر او ، جواب ويرميه جك اولورسه ناظر ك ويره جكي ايضاحات ايله سؤال نتيجه لنير . بر ناظر ك سوزى اوزرينه مطلقاً حق كلامه مالك اولمق قاعده سى بوبايده قابل تطبيق دكلدر .

سؤال صاحبنك ويره جكي جوابك مجمل اولمى صراحت نظاميه جمله سندن اولديغندن ويريلىن جوابك نظامنامه يه توفيقاً مجمل اولوب اولمديغنى تقدير ايتمك رياستك حقوقى جمله سندنر .

فرانسه مجلس مبعوثاننده بوسؤال بحثنده بر تعامل دهاواردر ؛ كه بزم ايجون شايان امتثال اولديغنه شبهه يوقدر . اوده هر سؤالك يالكنز بر اعضا طرفندن اجرا ايدلمسيدير . اكر مختلف اعضا طرفندن ايديله جك سؤالى ناظر قبول ايدرسه هر جوابدن صكره حادثه قباغش تلقى ايديله رك يكيدين واقع برسؤال كي جواب ويرمى لازم كلير . يوقسه بزده اولديغى كي برسؤال مختلف اعضا طرفندن واقع اولوبده هر برى حق كلامه مالك اولورسه مجلسك آرزوسى خلافتنه اوله رق سؤال استيضاچه قلب ايدلش اولور .

بعضاً برسؤال بر چوق اعضا نظرنده بر حادثه شخصيه تشكيل ايدر او حالده بو اعضا لر ناظر جواب ويرمزدن اول اجتماع اولنه بيلور لر .

سؤال صاحبنك جواب مجملى اوزرينه مناقشه نك ختام بولديغى رئيس طرفندن

بیان ایدیه جگمی ، یوقسه ناظر بوجواب اوزرینه ده سوزسویله مک ایسترسه
رئیس طرفندن موافقت ایدیه جگمی؟..

معلومدرکه: نظارك حق كلامی ایجابات مشروطیتدن اولوب هیچ بروجها
ممانعت جائز دکدر . مع مافیه بوجها سوزایستهین ناظر کرک رئیس و کرک
مجلسی مشکلات عظیمهیه القاید . ناظره بوحقی و یرمک قوه اجرائیهنک
حق کلامی قدر محترم و لازم الرعایه اولان اعضائک جواب و یرمک حقنی ده
استلزام ایدر . اولیه اولدینی حالدیه بوکی احوالده نظاره تکریر کلام ایستیرمیه رک
محافظه انتظامه چالشمق ریاسته محول وظائفدندر . اکر ناظر کنسیدسینی تکرار
جواب و یرمکه مجبور عدایدیورسه اعضادن دوستلری معرفتی ایله براسیاضاح
یادیروب ایضاحات و یرمسی ممکن اولور .

یوقاریده سویلندیکی وجهه اعضادن برینک سؤال طلبنی استیضاحه قلب
ایتمکه مجلسک صلاحیتی وارد . فرانسه ده بو ، برچوق دفعه اجرا ایدلمشدر .
ازجه مسئله نک اسباب موجبیه حاوی برتقریرله قانامسی ایجاب ایتدیکی حالدیه
بوطریقه مراجعت اولتور . زیرا عادی برسؤال اوزرینه و یریلن جواب حقنده
آرای مجلسه مراجعت ایدلمه مک اوتهدن بری قبول ایدلمش براصول و تعاملدر .
برناظرک ایدیلن سؤاله و یردیکی جواب هیئتک نظر دقتی جالب برصورتده
اولوبده اسباب موجبیه بیانی ایجاب ایتدیکی تقدیرده توسل ایدیه جگ یکانه
چاره بودر .

سؤالک استیضاحه قلبی ایچون طلب شفاهی کافی دکدر . باتقریر طلب ایدلمکله
برابر مجلسک ده قبولی شرطدر .

بودجه نک انشای مذاکره سنده جلسه نک بدایت و یانهایتی اولمقی کی برقید ایله
مقید اولیه رق اعضائک نظاره سؤال ایراد ایده بیلمک حق وارد .

الویرر ؛ که بودجه سی مذاکره ایدلمکده اولان ناظر موجود بولتسون...

بوحالده ناظرک موافقت و رضاسنده باقلماس عموم مجلس اعضاسنک حق جوابی واردر . مناقشه ومذا کرده مجلسک ارزو ایتدیکی قدر دوام ایدر . فرانسه مجلس اعیانی رؤساسندن بری بودجهنک انهای مذا کرده سنده جریان ایده جک مداولات فکریه نیک وک واسع بر مقیاسده اوله جفته دائر بر وجه زیر مطالعه ده بولمشددر : « بر نظارتک بودجه سنک انهای مذا کرده سنده هر درلو سؤال ایراد ایدیله بیله جکی کبی اشبو نظارته عائد اولان بوتون مطالعات وملاحظاتک ایراد ایدیله بیلمسی علی العموم مجلس ملیه جه قبول ایدلمش بر اصولدر . اعضادن ... طرفدن ایراد اولنان سؤال تمامیه مصیب وموافقدر . رفقاه صورارم ؛ معاملات عمومیه حقنده تمامیه ایضاحات آلمق ومطالعات و ملاحظات در میان ایتک ایچون بودجه مذا کرده سی ایله استیضاحدن مناسب واسطه موجودمیدر ... »

بودجه مذا کرده سی بردائرة محدوده داخلنده جریان ایتدرمک ایستتین ارقداشلمدن وضع ایده جکاری مثالک وخامتی نظرا اعتباره آلمارخی رجایدرم . بر استیضاح دانما ایضاحاتی ویرن ناظر حقنده موافق ویا مخالف برقرار اتخاذ ایتمکه نتیجه له نیر . حالوکه بودجهنک تدقیقی صر سنده حکومت ایراد سؤال ایتک ویا ملاحظات لازمه در میان ایتک ، بالعکس ، قراره اقتران ایتکه محتاج دکلدر .

بناء علیه بودجه مناقشه سی تحدید ایتک پک زیاده شایان تأسف بر حال تشکیل ایده جکندن هر نظارتک بودجه سنک انهای تدقیقنده حکومت ملاحظات مفیده در میان ایده جک اولان اعضا ره رئیس سوز ویرمکه مجبوردر . »

اشبو ایضاحاتدن اکلاشلیورکه ، بودجه اناسنده ایراد ایدیله جک استله ، نه ناظرک موافقتی ونده جوابک سؤال ایراد ایده نه حصر وتحیدی شرائطه تابع دکلدر . زیرا برنجی درجه ده بودجه اناسنده وکلای مات معاملات حکومت ممکن اولدینی قدر اساسی صورته واقف اولمق ایچون مجلسک حق

مراقبه سی هیچ بروجه ایله تحدید ایدلمه ملیدر. ایکنجی درجه ده جلسه نك ابتدا ویا اتهاستنده در حال پایلان سؤالار ناظری اوراق و وثائق لازمه یاننده اولمدیغندن ناشی مشکل موقه صوقه بیلور.

بوندن بشقه بوسؤالار روزنامه یه ده اجرای تأثیر ایدر. حالبوکه بودجه مناسبی ایله وقوع بواهق سؤالار، بالعکس، روزنامه مذاکره نك ایجاباتندن اولدینی کبی دائره سنه متعلق بوتون معاملاتی تدقیق ایدوب وثائق لازمه یی مستعجلاً مجلسه ککن برناظر هیچ بروقت دوچار مشکلات اولماز.



ایتالیا مجلس مبعوثان نظامنامه داخلستنده حق سؤال دیگر مجلس مبعوثان نظامنامه داخلیرندن ده صریح و واضحدر: سؤال شایعه نك صحیح اولوب اولمدیغنی، حادثه مذکورهدن معلوماتی بولنوب بولمدیغنی و بعض وثائقك مجلسه تبلیغ ایدیلوب ایدلمه چکی مواد معینه اوزرینه مقررات اتخاذ ایدیلوب ایدلمه یکنی عادتاً حکومتدن صور مقدر دیو تعریف ایدلمه که برابر سؤالك تحریری اولسی لزومی وسؤالار جلسه نك بدایتده صره سیله قرائت ایدیلوب حکومت در حال جواب ویره مدیکی حالده برکون تعیین اولنه جنی و صره سی کلوبده قرائت اولنان تقریرك صاحبی مجلسه حاضر بولمازسه سؤالندن صرف نظر ایتش عداولنه جنی تصریح ایدلمش و حکومت طرفندن ویریه چك جوابه قارشى صاحب تقریرك بش دقیقه دن زیاده اولماق اوزره حق کلامی اولدینی و هر جلسه نك بدایتده مجلس سؤالار له انحق قرق دقیقه بر مدت مشغول اولوب بومدتده کمال ایدلمه مه یین سؤالارك جلسات آتیه به قاله جنی فقط حکومت مستعجلاً جواب ویرمك لزومی در میان ایتدیکی حالده یا اوجلسه ده و یا خود جلسه آتیه ده دیگر لرینه ترجیحاً مذکور سؤاله جواب ویریه چکنی قید و اشارت ایتشدیر.

اشبو ایتالیا نظامنامه داخلستنده نظر دفته آله جن برایی مهم نقطه موجوددر.

برنجیسی هر جلسه نك بدايتنده سؤال ايجسون قرق ديقه نك ؛ ايكنجیسی ده حكومت طرفدن ويريله چك جوابه قارشى سؤال ايده نه حق كلام اولقى اوزره بش ديقه نك حصر و تحديد ايدلميسدر .

..

فلمنك عحاس مبعوثاننده ۱۹۰۶ سنه سنه قدر سؤال فرانسه اصولنه آزه چوق بكنز يورايدى . فقط سؤالارك جو غالهرق جلسه لك برخيلى زمانى اشغال ايتديكندن ناشى تاريخ مذكوره حق سؤال تحديد ايدلميسدر ؛ شوييله كه : سؤال ورقه سى قيصه و واضح اولهرق تحرير ورئيسه تقديم اولنوب عائد اولدينى ناظره تبليغ اولنور . جوابلر جلسه نك بدايتنده ويريلور . سؤالى صوران اعضادن ماعدا هيچ كيمسه يه سوز و يرلمز . آنجق سؤال صاحى جوابدن صكره مجملا ده بعض ايضاحات ايسته ييلير . فقط هيچ بروجهله مذاكره و محاوره جريان ايده مز . اكر ناظر صوريلان سؤاله تحريراً جواب ويررسه مذاكره شفاهيه محمل قالماز . سؤال و جواب جريده رسميه ايله نشر اولنور .

اشبو نظامنامه نك احتوا ايتديكى مواده ، ناظر ك سؤاله بلا قيد و شرط تحريراً جواب ويره بيلمك حقى پك مهم و نظر دقتى جالبدر . فلمنكليار لزومسن سؤالاردن بر چوق وقت غائب ائتمه كي آنجق بو وجهله تأمين ايتلمسدر .

..

بزم اسكى نظامنامه داخلیمزده حق سؤاله دائر هيچ بر صراحت يوقدر . آنجق ايكنجى دوره اجتماعده فعلاً سؤال قبول ايدلميسدر . سببى ده استيضاحلرله بر چوق وقتك ضياعنه سببيت ويرلمه سى كيفيتيدر . فقط بو سؤاللر ايكي سنه ظرفنده ، بر چوق خصوصاتده اولدينى كجى ، صرف بزه

مخصوص بر شکل ورنك آلدی . نظامنامه داخلیمزده موجود اولمایان بو اصولی قبولدن مقصود اولان فوائد محو اولدی . بر چوق زمانك ضیاعنه سببیت ویرلدی . بالاده ویریان ایضاحاتدن اكلاشلدی : كه سؤالدن مقصود اصلی قوه اجرائیهك امور ومعاملاتندن ، استیضاح كلفتته حاجت قالمیهرق ، قوه تشریعه اعضاسنك معلومات استحصاال ایتسیدر . حالبوكه بزده سؤال هر نه سببه منبی ایسه عادتاً استیضاح مقامنه قائم اولدی . سؤال اوزرینه تقرير صاحبی ویا صاحبلى تماميله استیضاحده اولدینی كبی ایتدكلى قدر سوز سوبله مك ، مجلسی اشغال ایتك طریق قبول ایدلدى .

بالكز نتیجهده ، استیضاحده رایه مراجعت ایدلدیكى حالده ، سؤالده رایه مراجعت اولمبور . بزده ایكى سنه دنبری نظامه مستند اولمیهرق فعلاً قبول ایدیان اصوله كوره استیضاح ایله سؤلك فرقی انجق شو نتیجهدن عبارتدر . حالبوكه مارالذ كر مجالس اجنبیه نظامنامه لرنده استیضاح ایله سؤلك بك ، بویوك فرقلری واردر . استیضاح ائساننده هر كس سوز سوبله نه بیلور . فقط سؤله جواب ویرلكدن ، صوكره انجق تقرير صاحبی سوز آلهرق مختصراً سوبلیه بیلیر . استیضاح صاحبی متعدد اولور . فقط سؤال آنجق بر كشی طرفندن واقع اولور . استیضاحه قرار ویریلنجه تقرير صاحبی واز كچه بيله اجرا اولور . حالبوكه سؤال صرف صورانك حقیدر ، حاضر بولمازسه جواب ویرلك ایجاب ایتز . حتی فرانسهده ، نظامنامهده موجود اولمدینی حالده ، سؤال قبول واجراسی ایچون ناظر عأدینك قبول وموافقى تعامللاً ، شرط قلمشیدر . ناظر ك موافقتی اولمدینی حالده سؤال قبول اولنه ماز .

فقط سؤالك اهمیتی جواب اعطاسی زماننده تحقق وتظاهر ایدرسه بر تقرير ایله ومجالسك مساعدۀ مخصوصه سیله استیضاحه منقلب اوله بیلور .

بناءً علیه بزاستیضاح ایله سؤال آراسندهكى فرقلری تماميله محافظه ایدرك

لزومسز سؤاللارله مجلسی اشغال ایتیش اولماق ایچون بعض تحدیدات وضع ایتک مجبوریتمده یز ؛ نظامنامه داخلینک تعدیلنه دائر اولان لایحهیه سؤال وضع ایدیش وبونده فرانسه مجلس مبعوثاننده جاری اصول قبول ایدیش ایسه ده بزم شوزمانلرده مجلسی ملکته ده نافع لوائح قانونیه مذاکره سی ایله مشغول ایتک لزوم درکار اولدیغندن ده بعض قیود و شروطک علاوه سی موافق مصلحت اولور ؛ ظن ایدرم .

لایحه مذکوره ده سؤال حقنده کی ماده لر شونلردر :

ماده : ۴۰ . — هر جلسه نك ابتدا وانتهاستنده مبعوثان وكلاى دولته ایستدكلى سؤالى ایراد ایده بیلرلر .

ماده : ۴۱ . — مبعوثان قبل السؤال ناظر مسئولی خبردار ایدهرک موافقتی استحصال ایتلیدرلر .

ماده : ۴۲ . — ناظر مسئولك جوابی یالکز سؤال ایراد ایدن مبعوث مختصراً جواب ویرمك حقى حائز اولوب سائر مبعوثانك سؤاله اشتراكلى جائز دكلدر. سؤال روزنامه مذاکرته ادخال اولتماز وسؤالك نتیجه سی حقنده ارایه مراجعت اولتماز.

ماده : ۴۳ . — بودجه مذاکره سی اثناستنده مبعوثلر نظارتنک بودجه سی دردست مذاکره اولان ناظره موافقتی استحصاله لزوم اولمادن هر فصلك مذاکره سنده اوفصله عائد ایسته دكلى هر سؤالى ایراد ایده بیلرلر. وبوسؤاللره دیکر مبعوثانندن آرزو ایدنلر اشتراك ایتک حقى حائزدرلر .



کوریلورکه بوماده لر فرانسه مجلس مبعوثانک نظامنامه داخلینى احکامى ایله تعاملاتنک مجموعى احتوا ایتکده در . فقط ، یوقاریده سویلندیکی وجهله . سؤالى ده منتظم ومحدود بر اصوله ببط ایدهرک برچوق زمانک بیوده ضیاعنه سببیت ویرمه مک اوزره ده بعض قیودک علاوه سی لازمدر . مثلاً قرقىجی

ماده ده هر جلسه نك ابتدا وانتهاستنده ناظر لره سؤال ایراد ایدیله جکی بیان ایدلیدی حالده بونك قاج دقیقه دوام ایده جکی تعیین ایدلمه مش اولدینی کبی قرق ایکنجی ماده ده دخی یالکزر سؤال ایراد ایدن مبعونه مختصر آ جواب ویرمك حق ویریلوب فقط مختصر آ مطلق ذکر ایدلمش اولدینی جهتله رئیسك تقدیرینه محول بر اقلمش اولمغله بونك برخیلی زمانك غائب اولسنه سببیت ویرمسی ملحوظ و ممکن اولدیغندن ایتالیا نظامنامه داخلینده اولدینی کبی ، دقیقه ایله تعیینی دها زیاده حال ومصالحته موافق اولور . برده اشبو لایحه جوابك تحریر آ ویرلمسی حقنده برصراحتی حاوی اولمدیغندن فلمنك نظامنامه داخلینده اولدینی کبی نظاره تحریر آده حق جواب ویرمك موافق ومجلسمزلک حالت روحیه سنه نظر آ ، ایش کورمك اینچون ، الزمدر .

